

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA
Broj: T04 0 KT 0052596 24
Zenica, 23.09.2024. godine

OPĆINSKI SUD U ZAVIDOVIĆIMA
-Sudiji za prethodno saslušanje-
ZAVIDOVIĆI

Na osnovu člana 45 stav 2 tačka i) u vezi sa članom 241 stav 1 Zakona o krivičnom postupku F BiH, p o d i ž e m o

OPTUŽNICU

Protiv:

1. **S.-B. S.**, osuđivana,
2. **H.A.**, neosuđivana,
3. **A.E.**, osuđivan,
4. **D.J.**, neosuđivan,

što su:

I-S.B.S., H. A., A. E. i D. J., skupa,

dana 07.04.2023. godine, u noćnim satima, S.-B.S. svojim poznanicima: H.A., A.E. i D.J. stavila na raspolaganje svoju porodičnu kuću koja se nalazi u mjestu J., općina Maglaj, radi zajedničkog uživanja opojne droge, pa kada su se u navedenoj kući svi okupili kako bi uživali opojnu drogu, suprotno odredbama člana 4 stav 1, 2, 3 i 5 i člana 19 i 20 Zakona o sprečavanju i suzbijanju zloupotrebe opojnih droga u BiH, u dnevnom boravku, svi skupa neovlašteno posjedovali opojnu drogu „Amfetamin”, poznatiju kao “Speed“ u neto količinama od: 17 mg, 0,172 grama, 0,151 grama, 9,803 grama i 0,277 grama koja droga je pod rednim brojem 1 liste psihotropnih tvari iz tabele II „Tvari i biljke pod strogom kontrolom“ proglašena takvom, kao i opojnu drogu Cannabis, poznatiju kao Marihuana u neto količini od 0,513 grama, koja droga je pod rednim brojem 13 Liste opojnih droga iz Tabele I „Zabranjene tvari i biljke“ proglašena takvom, iako su bili svjesni da je posjedovanje opojne droge zakonom zabranjeno, ali su to htjeli, koja droga im je pronađena i oduzeta tog dana skupa sa jednom digitalnom vagom za precizno mjerenje, prilikom pretresa kuće od strane policijskih službenika PS Maglaj,

II-D.J., sam,

dana 07.04.2023. godine, u noćnim satima, u svom putničkom vozilu reg. broj, koje se nalazilo parkirano ispred porodične kuće S.B.S. u mjestu J..., općina Maglaj, suprotno odredbama člana 4 stav 1, 2, 3 i 5 i člana 20 Zakona o sprečavanju i suzbijanju zloupotrebe opojnih droga u BiH, neovlašteno posjedovao opojnu drogu Amfetamin”, poznatiju kao “Speed“ u neto količini od 0,381 grama, koja droga je pod rednim brojem 1 liste psihotropnih

tvari iz tabele II „Tvari i biljke pod strogom kontrolom“ proglašena takvom, iako je bio svjestan da je posjedovanje opojne droge zakonom zabranjeno, ali je to htio, koja droga mu je pronađena i oduzeta dana 04.05.2023. godine prilikom pretresa navedenog vozila od strane policijskih službenika PS Maglaj,

čime su učinili:

1. S.B.S. krivično djelo Posjedovanje i omogućavanje uživanja opojnih droga iz člana 239 stav 1 i stav 3 KZ F BiH,
2. H.A. i A. E. krivično djelo Posjedovanje i omogućavanje uživanja opojnih droga iz člana 239 stav 3 KZ F BiH i
3. D. J. produženo krivično djelo Posjedovanje i omogućavanje uživanja opojnih droga iz člana 239 stav 3 KZ F BiH u vezi sa članom 55. KZ F BiH.